

The Dana +20 Manifesto of Mobile Peoples in Khowar Language.

۲۰ یوران بوغدو اپویا خانہ بدوش مال روچھاک رویان دانویانیہ

بوکی خانہ بدوش مال روچھاک رویان، زمینو و مخلوقاتان حفاظت، و موسمی تبدیلی

اردو شہر وادی دانہ بیرو دانویانیاری ۲۰ یوران اچہ

وادی دانہ، اردن، ستمبر ۲۰۲۲ء

اسپہ کاکی خانہ بدوش مال روچھاک رویان نمائندگیو کوسیان کی پتان موژی بوکی، روایتی، خانہ بدوش و اقبائلو روئے اسونی^۱ و ایسوم جو ستہ پتان بچین دوناک، تحقیق کوراک و اماہرین اردنو ملکو دانہ نامین دیہہ ایغونہ گیتی اسوسی کی اسپہ دانویانیاری^۲ ۲۰ یوران اچہ تان حالاتان جو بارہ لاڑیسی و اتان مستقبلو تین منصوبہ بندی کوروسی۔ اسپہ دنیو بو امبوخ ملکار و اقواماری گیتی اسوسی بشمول منگولیه، ملائیشیا، بھارت، ایران، اردن، سویڈن، نا بجزیرہ، کیمرون، کینیا، تنزانیہ، نامیبیا، واپیرو۔ اسپہ اقوام متحدو مددگار تنظیمان، غیر سرکاری تنظیمان، دیہی تنظیمان، یونیورسٹیان، وازینو اوچے

¹ IFAD 2009. Engagement with Indigenous Peoples Policy, IFAD, Rome

² The Dana Declaration, Dana + 10 and Dana + 20 fully endorse the implementation of the UN Declaration on the Rights of Indigenous Peoples. See the Dana Declaration website: <https://www.danadeclaration.org/>.

مخلوقاتان حفاظت کوراک تنظیمان اسپہ سوم یوان بیکو بچین بوینادار کی ہیت اسپہ مہراکو خرچان پرانی واپہ اردنہ اسپہ سوم ای ہیتی ہیہ مہراکا شامل ہونی۔

ہیہ گیاک پڑالان اوچے چراگاہان عالمی یورانو مناسبتو سوراکی ہورو منگولیو حکومت تجویز³ کوریکو اقوام متحدہ جنرل اسمبلی مانی اسور، اسپہ ہیہ لوؤ سورا زوردوسیان کی کی اسپہ خانہ بدوش مال روچھاک واپڑال دنیا کروڑہا اٹمارہ اسوسی و اسپہ بودرونکار وختاری تان زندگیو شخصیکو طریقان تان نسا رنس ماحولو سوم زم کوری اسوسی۔ اسپہ بو مختلف قسمہ زندگی تیرئسیان و امبوخی طریقا ماحولو سوم یعنی زندگیو دارودارو بٹس علاقان سوم⁴ تان تعلقو خیق دی جم کوریکو بچین ای ژاغار خورژاغوتین کاسیسیان۔ اسپہ علاقہ دودیری شمالاری گنی قق واپھوک اوغ وینی صحرا رگنی غاری واکوروار گنی بوٹاک علاقو ڈوسو جنگلانہ بولو نجی شیر۔

موسمی تبدیلیو سخین اسپہ رویان سورا بو مصیبت گونیان، کچہ کی زینو بربادی، بو زیادہ ہون اوچے جوچھو سال بیکین کی کان ختم باؤ گونیان، زمین غارودی رویان و اجاتیاتی تنوع کم بیکین اسپہ خورا کو اوچے پیداواروتین و امال حالان جوش خاتیکوتین دی خطرہ رویان۔ ہیہ مسائل خاص کوری حجریہ ایندھنو استعمالو و جہین کیا کی لگاتار کھوشون نیسیران ہتے و جہین پیدا بوینان مگم اکثر اسپہ تان رواجی زندگیو شاکھیکو دی ہے بچین اسپہ قصوروار جوٹونو رویان، واپہ مقابلہ کیہ صنعت کارکی دنیوتباہ کورونیان ہتیتان سار کیا بشار نو رویان۔

³ <https://iyrp.info/>

⁴ <https://www.biodiversitya-z.org/content/indigenous-peoples-and-community-conserved-territories-and-areas-icca>

اسپہ موسمی تبدیلیو ختم کوریکو وا ہوسوم تان سوروبلت کوریکو بچین ہٹس مطالبہ کوسیان کی ہیت اسپہ روایتی خانہ بدوش مال روچھاکان زمینو انتظامی طریقہ کاران وا علمو بنیادہ کورونوبانی کیاغ کی کیہ دی قسمو تبدیلیو بچین مناسب بونیان⁵۔ ہمو بچین ضروری کی اسپہ تان علاقان سوراکمل حق بارتاکہ اسپہ کوسیکین دیتی کیہ لچک کی شیرہسے متاثر نو بار۔

عام رایو برعکسہ اسپہ علاقہ وارو چھیکو ژاغہ حیاتیاتی تنوعو بچین اہم ذخیرہ کی ہیت ماحولیاتی نظامو بچین ضروری خدماتان مہیا کونیان۔ اسپہ زندگیو طور طریقان ہی ژاغان وال گنیکہ واشیلی بیچنیکہ بو اہم کردار شیر واپسوم جوستہ ملکی اقتصادہ و اخوراک مہیا کوریکہ بولوٹ ہوست شیر۔ ہی خانہ بدوش مال روچھاکان زندگیو طور طریقہ ہٹس زائلہ ساؤزبیتی شینی کی ہیت جھوتیو اوچے اوغو انتظامو جم کوریکو وادرونکار وختو بچین بیچنیکو صلاحیتہ اضافہ کورونیان واہیت زمینو اوچے مخلوقاتان حفاظت اوچے ماحولوتان حالاتہ اچی انگیکو بنیاد بیلک۔ اسپہ پھتی بین الاقوامی اداران کچہ کی اقوام متحدہ کنونشن واکابیت ڈیسیرٹیفیکیشن⁶ بوینہ دارکی ہیت ہی اقداران ہوٹس کوری موژی دونیان۔ اکیڈیمک تحقیق اسپہ ہیا دعوؤ ثابت کورویان کی خانہ بدوش مال روچھاکان وسائلان استعمال کوریک کچہ کی اٹکارو بچین، بڑا خٹھیکو، جھوتک پیٹھیک، غاری نیسیک، واخانہ بدوش مال روچھک اوچے زمینو بوٹیک شینی، ہمیت حیاتیاتی تنوع اوچے ماحولیاتی نظامو مضبوطیو ختم نو کورونیان بچونکہ یتان خیق دی بہتر کورونیان۔ ہے سوم جوستہ دی اسپہ ہیہ اشناریو ہوٹس کوروسیان کی آبادی زیادیکو وجہین واخور مقاصدان واپسو بچین اکثر شوم طریقہ خور معاملاتان بچین استعمال بیکین اسپہ تان اوغاری وازینار ویردیکو سخین اسپہ ماحول وا اسپہ زندگیو حالات

⁵ See CELEP video: <https://www.youtube.com/watch?v=DeqITzac9Ac>

⁶ See for example: <https://www.unccd.int/news-stories/statements/indigenous-peoples-dialog-climate-change-biodiversity-and-desertification>

مشکلان سوم دوچار بیٹی شینی۔ اسپہ مختلف سطحہ تان زندگیو طور طریقان پروشٹی الیکو بچین وا زندہ ہہچئیکو بچین اتحاد کوریکو مطالبو کوروسیان۔

تاریخی طور اسپہ حال بیکو طور طریقان وا اسپہ انسانی حقوقان اکثر روخونو بیٹی شیر وا اسپہ تین نو دیونو بیٹی شیر۔ اسپہ موژی پھتی رویان سورا ظلم بیٹی شیر، ہتیتان زبردستی تان ژاغاری داژونو بیٹی شیر وا ای مخصوص ژاغا حال بوررے ہتیتان خور ژاغانتے کو سیکو سورا پابندی چاکونو بیٹی شیر۔ کیا حقان کی ای ژاغا آبادیرو زمیندارانتے دیونو بیٹی شیر ہتے حقان اسپہ سار گنیکو بچین قانونو ہٹس ساؤزونو بیٹی شیر۔ اسپہ زمینان، علاقان، کیا وسائلان سورا کی اسپہ دارو مدار شیر ہتیتان حقان حفاظتو کورونو بیٹی شیر کی ہیرا حال بیٹی اسپہ تان اصولان مطابق و اتان روایتی قانون حسابہ زندگی شاخٹیسیان۔ ہنون دی بو ملکین ہمی پست جوٹونو باک ثقافتی تعصبات، قانون و اپالسیان برداشت کورونو بویان ہے باوجود ادی کی اسپہ ممالک آزاد دی وا اہیت بین الاقوامی انسانی حقوقو سورا معاہدان و اکنونشان⁷ مانینان دی۔ زمین اوچے انسانی حقوقان حفاظتو کوراک کیا روئے کی اسپہ علاقوا معاشراسونی اسپہ ہتیتان کاروان اہمیتو ہوٹس کوروسیان۔ اسپہ حکومتانتے و اہین الاقوامی براداریوتین گزارش کوروسیان کی ہمی روئے خانہ بدوش مال روچھاک رویان و اہتیتان ماحولو حفاظتو کورا و اہتیتان سوری پھان دارائی کورانی⁸۔

وسائلان اشلویاک صنعت کاری و ازرمی کاروباران، زمینو حفاظتو بچین زبردستی اسپہ سورا لاگو کارو ژاغان بندشو، پیسہ دیتی اشکار و اسیاحتو بچین کیپان، ای ژاغانریمی ای خور ژاغا التی

⁷ And other global instruments that address Indigenous Peoples' collective rights such as UN Declaration on the Rights of Indigenous Peoples, ILO 169, and VGGT.

⁸ 8 UN Declaration on Human Rights Defenders,

زبردستی آباد کوریکو پروگرامان، انصافو کمی، اسپہ زندگیو طور طریقان پست جو ٹیکین و اسپہ روایتی اصولان نظام اوچے علمو بچین عزت ختم بیکین دیتی اسپہ زندگیو طور طریقانتے ہنیسین انوسار انوسوتین خطرہ زیاد باؤ گویان۔ اسپہ علاقہ ذاتی زمینان چھینی بوڑی اندرینی دیکین وانوغ ملکی سرحد ساؤز بیکین دیتی اسپہ ای ژاغار خور ژاغو تین بیکو راہہ خدوک یتتی شینی و اسپہ تان غاریار و اجنگلاتار و یرد کورونو یتتی شیر۔ اسپہ ہیہ لوؤ نشاند ہیہ کوسیان کی اسپہ شامل نو کوری زمینو اوچے مخلوقاتان حفاظت کوریکو پروگرامان و اترقیاتی کورمان ہنیسین دی اسپہ سورا زبردستی او لئینو بویان کی ہے و جہین اسپہ تان زمین اوچے علاقان سار ہوست پارویلیک بویان، مجبوراً خور ژاغبالی آباد بیلک بویان، غربت گویان و اسپہ ثقافت اسپہ ہوستاری بیران۔ حتیٰ کہ ”ماحول دوست منتقلیو“ منصوبان مثلاً گانو سورا یا یورو تو انائی پیدا کوریکو ژاغہ و انایاب معدنیاتان بچین پھاٹیکو دی اسپہ زمینین اسپہ سار بشارنو گنی زبردستی کورونو بویان و انہ ہے ژاغان سوراتان ہورو استعمالو و اسپہ بچین یتان ضرورتو حقو موڑی دیونو بویان۔

اسپہ ہتے مثالی کورمان خوشیسیان و احوصلہ افزایو کوسیان کیاغ کی اسپہ پھتی مسائلان حل کوریکو بچین شینی۔ بعض موقعان سورا عدالت اسپہ رویان زمینان ہتیتانتے اچی دیکو حقہ فیصلہ کوری اسور۔ پھتی قومی حکومت اسپہ روایتی علاقان سورا اسپہ تان ملکیتو و اسربراہیو مانیکو بچین اتفاق کوری اسونی و اسپہ تان بچین ساؤزیر و اصولان مطابق حل بیکو اجازتو دیتی اسونی۔ پھتی حفاظتو بچین پھائے نیز یرو زمینان ملکیتو، ہتیتان سرپرستیو و انتظاماتان اچی علاقو رویان تان ہوستہ دیتی اسونی و زمین اوچے مخلوقاتان حفاظتو بچین گنیر و موثر اقدامات، کچہ کی بولکی رویان علاقان و مقامی بخشندان حفاظت کارڈو ژاغان تسلیم کوریک شورغے اسونی۔ اسپہ رویان سوم ای یتتی

ایگان نوئیکو مقامی مخلوقاتان حال بیکو ژاغان اچی بحال کوریکو منصوبہ کورونوبیتی شینی۔ بد قسمترین
اگر کی ہمیت جم راہو پاشینیان مگم ہی مثال عام نو بچونکہ چموٹہ اٹمارئیکو بٹس۔

تان ژوچ مسائلان حل کوریکو بچین اسپہ حکومتان سار مطالبہ کوروسیان کی اسپہ رویان حوالا تان
حکمت عملیہ ہموٹس تبدیلی انگلیانی کی ہیت اولانی اسپہ علاقان وا وسائلان ای ہیتی استعمال کوریکو
سورا اسپہ روایتی حقان تسلیم کوری باضابطہ طور ا حفاظت کورانی وا اسپہ روایتی لوٹھوروانان وا
قوانینان تسلیم کورانی وا ہٹس ثقافتو سار باخبر تعلیمو شیر و ستو کورانی کیاغ کی اسپہ زندگیو طور طریقان
سوم جو بار وا کیاغ کی نوجوانان اسپہ روایتی علمو وا شناختان قدر و کوریکو بچین حوصلہ افزایو
کورار۔ خانہ بدوش مال روچھاک رویان نویو کو نمائندگی بار وا فیصلہ سازیہ اسپہ رائے دی شامل
بار۔

اسپہ زمین اوچے مخلوقاتان حفاظت کوراکان سار اسپہ حقوقان عزتو کوریکو وا اسپہ سوم ای ہیتی
اسپہ تہ پان ژاغان وا حیاتیاتی اوچے ثقافتی امبوخیو واما حولیاتی نظامو حفاظتو مطالبہ کوروسیان
کھیو کی اسپہ قدر و غنچھین لائیسیان واتان روایتی علمو اوچے انتظامی طریقان حاجتہ انگلیتی غنچ
دارائیو کوروسیان۔ اسپہ ہتانتے یاد دہانی کوروسیان کی ہیت دوربن ایکورڈ⁹ وا دوربن ایکشن پلانہ
اوچے حیاتیاتی تنوعو بچین جماعتان کانفرنسہ¹⁰ بیرو فیصلان وا ہیا متعلقہ انٹر۔ گورنمنٹل پینل آن بائیو
ڈیورسٹی اینڈ ایکو سسٹم سرو سزو¹¹ پیغاماتان پس منظرہ تان وعدان پورا کورانی۔ اسپہ ہتان ساری

⁹ Endorsement Dana Declaration in 5.2.7 and in the 4th World Conservation Congress in Barcelona

¹⁰ CBD COP 7 Decision 28, COP 10 Decision 2, COP 12 Decision 12, COP 14 Decision 8, all with their respective annexes.

¹¹ IPBES 'Key messages' A6, B6 and D5 of Global Assessment.

مطالبہ کوروسیان کی ہیت وکانتے میکنز موتین مواد مہیا کوری مضبوط ساؤزانی واہش کارآمد طریقہ پروشٹہ انگلیانی کی ہیتان ذریعہ متاثریر وروئے حفاظتو بچین پھار نیزیرو ژاغان حوالاتان ہوازو کورا تارئکوبانی واہیتان منصفانہ واکوس سوری نوبیتی فیصلہ کوری ہیتان پیسہ دیتی، صلح کوری یا معاوضہ دیتی حل کورونوبار۔

اسپہ سندیا فتنہ تجارتی اداران ساری مطالبہ کوروسیان کی ہیت اسپہ رویان حقوقان عزتو کورانی، اکویکونو ہدایاتان¹² حسابہ اسپہ گنی سماجی، اقتصادی، ثقافتی واما حولیاتی اثراتان تشخیصو کورانی وا صرف ہتے وختہ اسپہ روایتی علاقین تان منصوبان کورانی کیاوتکی نسبت تان اسپہ سوم پورا معلوماتان بوژی اسونی وا اسپہ ساروا اسپہ پروشٹہ انگیر و لوٹھوروانان سار مکمل طریقہ خود مختارانہ آزاد رضا مندیو گنی اسونی¹³۔ کیا نقصان یا خسارہ کی ہوئے ہتو جائز معاوضو دیانی۔

اسپہ اقوام متحدو اداران ساری، یونیورسٹیان، سی۔ ایس۔ اوزواسی۔ بی۔ اوزان ساری مطالبہ کوروسیان کی ہیت اسپہ کورمہ اسپہ سوم ہوست درونگیانی، اسپہ سوم یکجہتیتو اظہارو کورانی وا اسپہ تین ہش فنڈ دیانی کی ہیتان سورا اسپہ تان او سنیر و غوزاران سورا کوروم کورام۔ خاص کوری اسپہ یو۔ این پرینینٹ فورم آن انڈیجینس ایشوس یا ایکسپرٹ میکنزم آن رائٹز آف انڈیجینس پیپلز و ساری مطالبہ کوروسیان کی ہیت خانہ بدوش مال روچھاکان حالاتان سورا تحقیق کوری رپورٹ شائع کورانی وا اسپہ حقوقان برقرار لکھیکو بچین مخصوص سفارشات کورانی۔

¹² <https://www.cbd.int/doc/publications/akwe-brochure-en.pdf>

¹³ <https://www.fao.org/3/i3496e/i3496e.pdf>

اسپہ تحقیق کوراکانتے گزارش کوروسیان کی ہیت امی بیتی ہش موژیو تحقیقی کوروم شروع کورانی کی ہیت اسپہ آزاد پیشگی و ابابخبر رضا مندیو پروشٹہ لکھی اسپہ بنیادی مسائلان حل کورانی وامقامی محقیقان اوچے نوجوانان موژا تحقیقی صلاحیتان ساؤزانی۔ ہے تحقیقان موژی ترقیاتی وازمین اوچے مخلوقاتان حفاظت کوراک اداران کیا دخل نوبارواہے علمو خور کوسوم بوژیکارپروشٹی اسپہ رویان سوم بوژی تصدیق کورونوبار۔ ہمی تحقیقو نتیجان عواموسوم تاریکو بٹش دی کورونوبار۔

اسپہ ہیا لوؤدی عہد کوسیان کی اسپہ تان سورو متحرک کوروسی واتان موژی تعلقاتان مضبوط کوروسی، عوراتانان اوچے نوجوانان شمولیتو یقینی ساؤزیسی، عالمی سطحہ تان حقان بچین ہواز او سننیشی، تان موژی ایگوگنی و اتحادو سورا مشکل وختہ ایغو خبارہ گوسی واتان ضرورتو پورا کوریکو بچین خاص موصلاتی نظامودی بندو بستو کوروسی۔ اسپہ تان مقامی، قومی و علاقائی نستاری شیرو انجمنان، اداران و اینٹ ورکان مضبوط بیچنیسی۔

اسپہ ہیہ بیانو اسپہ دنیو مستقبلہ خانہ بدوش مال روچھاک رویان کردارو باہمی طورہ پہانہ پت ہوٹش کوریکو بچین و اسف متعلقہ جماعتان موژی تعاونو نوغ راہان کھولاؤ کوریکو بچین امی دعوتو طور اپیش کوروسیان۔

بیانیہ حصہ داران نام:

- آریل آہرن، یونیورسٹی آف آکسفورڈ و ڈیپارٹمنٹل لیکچرر، برطانیہ۔
- عبدالرزاق الخوالدہ، ڈاناگیسٹ ہاؤس ڈیوٹی منیجر، اردن۔
- احمد الخوالدہ، ڈاناٹیریسڈ گارڈنز کوآپریٹیو، اردن۔
- الخاندر و آرگومیدو، انٹرنیشنل نیٹ ورک آف ماؤنٹین اینڈ ہجس پیپلز (انمپ) پیرو
- رائد حسن الخوالدہ، ڈاناریزرو ٹورزم منیجر، اردن۔
- محمد النانہ، ڈانالائیو سٹاک بریڈر کوآپریٹیو، اردن۔
- سالم مطلق الزلابیہ، وادی رم، اردن۔
- الحسن جتوجی عطاہرو، کنفیڈریشن آف ٹریڈیشنل اسٹاک بریڈرز آرگنائزیشنز (کوریٹ) نانجیریہ
- محمود عبداللہ محمد بدول، قبیلہ بدول، پیٹرا، اردن۔
- عامر شہدہ الخوالدہ، صدر، ڈانا اینڈ قادیسیہ لوکل کمیونٹی کوآپریٹیو، اردن۔
- انجینئر بسام عید الخوالدہ، النواطف کوآپریٹیو، اردن۔
- خالد الخوالدہ، گلوبل کوآرڈینیٹر ورلڈ ایلائنس آف موبائل اینڈ ہجس پیپلز (وامپ)
- سارا-ایلویرا کہمونن، صدر سامی یوتھ ایسوسی ایشن، سویڈن۔
- ڈان چیٹی، پورانامیوم پروفیسر، یونیورسٹی آف آکسفورڈ، برطانیہ۔
- مارکس کوچیسٹر، سینئر پالیسی ایڈوائزر، فاریسٹ پیپلز پروگرام، برطانیہ۔
- الین فریچیٹ، رائٹس اینڈ ریسورسز انیشیٹیو، کینیڈا۔
- جریمہ جلمبرٹ، پروفیسر ہیومن رائٹس، یونیورسٹی آف روہامپٹن، برطانیہ۔

الیزابیت ہیمپسٹیڈ، ریسرچ اسٹنٹ، یونیورسٹی آف آکسفورڈ، برطانیہ۔
 سووریو کریٹلی، آزاد محقق و ایڈیٹر، جرنل آف نومینڈک پیپلز، برطانیہ۔
 جنالی قاسمی، بورڈ و رکن، یونی نومینڈ، ایران۔
 جے ٹیرنس میکیب، یونیورسٹی آف کولوراڈو، امریکہ۔
 ایویا یسن، جغرافیہ ریسرچ ایسوسی ایٹ، نیوکاسل یونیورسٹی، برطانیہ۔
 سائمن یسن ٹانگویو، آئی الی پی اے ریسرچ و ایفلڈ کو آرڈینیٹر، این چائٹی ویشن اسکول و ساوزیناک
 و اڈائریکٹر، واما جیموٹو گروپ رانچ سیکرٹری، کینیا۔
 ناہید نغیزادہ، بورڈ و چیئر پرسن، سینستا، ایران۔
 بایار سائیکھان نمسرائی، اسٹپس و ووڈ بورڈرز این جی او، منگولیا۔
 موسی عثمان نڈمبا، اولانو و انس نیشنل پریزیڈنٹ ایم بی او ایس کوڈا، کیمرون۔
 ہیلین نیونگ، فاریسٹ پیپلز پروگرام، برطانیہ۔
 سینا مغامی نک، اسکول آف جیوگرافی اینڈ دی اینوائرنمنٹ ڈی فل سٹوڈنٹ، آکسفورڈ، برطانیہ
 یانیک اینڈونینو، ایگزیکٹو ڈائریکٹر۔ ٹریڈیشنل ایکو سسٹم سروریل تنزانیہ (ٹیسٹ)، تنزانیہ۔
 ٹول اورٹو گلڈیے، ایچ ایس سی، ٹوریچا لائیوسٹاک بریڈ فارمر۔ پرائیویٹ پریکٹس، کینیا۔
 ڈابلی ڈیوی رینکا، لوہت پشوپالک سنستھان سداری، راجستھان انڈیا۔
 کیمارن اولے ریامٹ، بنیادی ڈائریکٹر انڈیجنس لائیو لیہوڈ اینہا نسمنٹ پارٹنرشپ، کینیا۔
 کوری راجرز، سینٹر ریسرچر، یونیورسٹی آف آکسفورڈ۔
 گریٹا سیمپلیسی، پاسٹرز پوسٹ ڈاکٹرل فیلو، یورپین یونیورسٹی انسٹیٹیوٹ، اٹلی۔
 اوسیل سیواکو جے کنڈجی: اوسیو اوینگندو۔ نامیبیا۔

اندرانی سگامانی، تحقیقی مشاور و اکیسیٹی بلڈنگ سپیشلسٹ، یو کے۔
ہانوانٹ سنگھ، لوہت پشوپالک سنستھان سدومی، راجستھان انڈیا۔
منکھناسن تسیویگد، کنٹری کوآرڈینیٹر، انٹرنیشنل ایر آف ریجنلینڈز اینڈ پاسٹورلسٹس، منگولیا۔
سیسیلیا ٹیورین، اینڈین پاسٹورلسم ریسرچر، پیرو۔ پاسٹو امریکا سورکن۔
وانگ پیو، حفاظت کار، ملائیشیا۔
محمد زایادین، قبیلہ عززمیہ، وادی حدان، اردن۔